



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

IX. Die Novembris.

**urn:nbn:de:hbz:466:1-9625**

IX. DIE NOVEMBRIS.

ALPHONSVS  
VASIVS SCHOL.

P. IOANNES  
DE GVADARRAMA.

9. Nonemb.  
Lusitanus  
Conimbrici  
et. 1553.  
et. 20.  
Societ. 3.

Prof. Dei.

Oratio.

Morbus.

Mortis desid.

Mite, placidum, & propensum ad omnem pietatem, ac virtutem ingenium attulit, cum Societati adscriptus est. In illa præcipuum illi, & felix planè studium fuit, vt coram Deo versaretur vbique: iamque vsu ipso rem sibi facilem reddiderat, vt Christum reuereretur in Superiores; Apostolos, in Patribus; in alijs, Christi Discipulos. Horæ plures oranti suauiter effluebant, lachrymis quoque affluenter manantibus, quæ aliquando tantæ illi exundabant, vt se abscondere cogeretur, ac tunc etiam præ singultu latere non posset, quin agnosceretur. Noctu quoque, silentio se in lectulo in genua erigebat, & diutius precabatur. Per quinque menses morbo lecto affixus, nullo die omisit matutinæ orationis horam; vesperi aliâ quoque adiectâ, duplicique examine. Mortis desiderio dulcissimo renebatur; & cum Medicus illi de vita deposito apponi veller quicquid æger cuperet; ille vetuit aliud dari, quàm quod omnibus in triclinio apponeretur: imò instar mancipij se haberi optabat, cum diceret, nullo operæ pretio fieri quicquid in se fieret expensarum. Eius Pater ad illum salutandum appulsus, ab illo aptè diuina locuto in alium planè ab eo, qui venerat mutatus est.

Ante initam Societatem Philosophiæ ac Theologiæ curriculum Toleri emensus, valebar ingenio: in Societate tamen malebat scholis infimis, & animabus operam dare. Grammaticam per continuos 17. annos docuit; & laborauit, effecitque ne in 4. vota professorum numerum referretur. Non linguâ, non gestu, non vlllo modo visus est vnquam legem vllam infringere. Cum æger siti arderet, cuidam aquam offerenti, Non, inquit: *quia est contra regulam: & volo esse fidelis Deo, etiam in minimo* Oculi eius Angelici: fœminas multas confitentes audiebat, quarum tamen nullam vnquam vidit. Catenam latam plenam aculeis diu noctuque gestabat, etiam in morbo, & in longis missionibus, quas sine viatico pedibus exanilabat. Quotidie se flagellando mediam horam dabat, atque ad sanguinem largè profusum. Per horas integras orabat expansis brachijs, vel prostratus, ac sæpè odore miro fragrans. Orationi benè manè tres horas dabat: diuinum officium, & B. V. coronam positis humi genibus quotidie recitabat. Cardinalis Toletanus tantum cum faciebat, vt ijs qui illi confiterentur 80. dies indulgentiarum concesserit. Per iter apud pium virum hospitabatur, & noctu repenti se proripiens exiit ad quartam ferè leucæ partem, instinctu quodam cælesti actus: ibi Pastorem animam agentem reperit, expiauit: & ille mox obiit. Redux hospiti suo commiti dixit: *Procul dubio bonus hic pastor fuit pius erga animas purgatorij.*

Hispanus  
Madriti. 9.  
Nou. 1656.  
et. 56.  
Societ. 20.

Humilit.

Obed.

Oculi.

Mortif.

Oratio.

B. V.

Purgat.

L L I 2 X. DIE